

**- SENAT –**

Broj: 01-20-142/21

Sarajevo, 24. 11. 2021. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20) i člana 59. Statuta Univerziteta u Sarajevu, u skladu sa odlukama Senata Univerziteta u Sarajevu, broj: 01-20-128/21 ods 24. 11. 2021. godine i broj: 01-20-129/21 od 24. 11. 2021. godine, Senat Univerziteta u Sarajevu je na 43. redovnoj sjednici održanoj 24. 11. 2021. godine, *donio*

ODLUKU**O IZMJENAMA I DOPUNAMA PRAVILA STUDIRANJA ZA TREĆI CIKLUS
STUDIJA NA UNIVERZITETU U SARAJEVU BROJ: 01-1101-79-1/18 OD 19. 12. 2018.
GODINE SA PRIPADAJUĆIM IZMJENAMA I DOPUNAMA****I**

Usvajaju se izmjene i dopune Pravila studiranja za treći ciklus studija na Univerzitetu u Sarajevu broj: 01-1101-79-1/18 od 19. 12. 2018. godine sa pripadajućim izmjenama i dopunama, kako slijedi:

- U članu 8. stav (5) koji glasi:

„Član 8.
(Vijeće studija)

(5) Nositelji nastavnog i istraživačkog procesa na trećem ciklusu moraju imati pet radova publiciranih u časopisima koje prate relevantne međunarodne baze iz registra relevantnih naučnih baza podataka koji propisuje nadležno tijelo. Organizacione jedinice umjetničke grupacije propisuju način imenovanja vijeća doktorskog studija u skladu sa stavom 2 ovog člana.“

mijenja se i glasi:

„(5) Nositelji nastavnog i istraživačkog procesa na trećem ciklusu moraju imati pet naučnih radova objavljenih u priznatim publikacijama koje se nalaze u relevantnim naučnim bazama podataka.

Organizacione jedinice umjetničke grupacije propisuju način imenovanja vijeća doktorskog studija u skladu sa stavom 2. ovog člana.“

- U članu 10. tačka e) koja glasi:

„Član 10.
(Sadržaj studija)

Treći ciklus studija sastoji se od:

„e) objavljivanja dijelova istraživanja u časopisima koje prate relevantne međunarodne baze iz registra relevantnih naučnih baza podataka koji propisuje nadležno tijelo“

mijenja se i glasi:

„e) objavljivanja dijelova istraživanja u priznatim publikacijama koje se nalaze u relevantnim naučnim bazama podataka,“

- U članu 20. stav (1) koji glasi:

„Član 20.
(Mentor)

(1) Mentor može biti nastavnik koji je biran u zvanje vanrednog profesora i redovnog profesora ili u zvanju emeritusa ili u zvanju višeg naučnog saradnika i naučnog savjetnika iz naučne/umjetničke oblasti doktorske disertacije, koji ima najmanje pet radova objavljenih u časopisima koji prate međunarodne baze podataka koje propiše nadležno tijelo, od kojih tri u posljednjih pet godina iz naučne oblasti iz koje je doktorska disertacija kandidata.“

mijenja se i glasi:

„(1) Mentor može biti nastavnik koji je biran u zvanje vanrednog profesora i redovnog profesora ili u zvanju emeritusa ili u zvanju višeg naučnog saradnika i naučnog savjetnika iz naučne/umjetničke oblasti doktorske disertacije, koji ima najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka od kojih su tri iz naučne oblasti iz koje je doktorska disertacija kandidata.“

- U članu 28. stav (2) koji glasi:

„Član 28.
(Obaveze i prava doktoranata)

(2) Doktorant je obavezan, prije odbrane doktorske disertacije, imati objavljen ili prihvaćen za objavljivanje najmanje jedan rad u časopisima koje prate relevantne međunarodne baze iz registra relevantnih naučnih baza podataka koji propisuje nadležno tijelo, tematski povezan sa doktorskim istraživanjem.“

mijenja se i glasi:

„(2) Doktorant je obavezan, prije odbrane doktorske disertacije, imati objavljen ili prihvaćen za objavljivanje najmanje jedan rad u priznatim publikacijama koje se nalaze u relevantnim naučnim bazama podataka, tematski povezan sa doktorskim istraživanjem.“

- U članu 42. stav (1) koji glasi:

„Član 42.
(Uvid u izvještaj i korigiranu radnu verziju doktorske disertacije)

(1) Po prijemu odluke o prihvatanju izvještaja Komisije Univerziteta, organizaciona jedinica Univerziteta objavljuje na svojoj oglasnoj ploči, web-stranici i u medijima da se izvještaj Komisije Univerziteta i korigirana radna verzija doktorske disertacije stavljaju na uvid javnosti.“

riječ „u medijima“ se briše, tako da u članu 42. stav (1) sada glasi:

„Član 42.

(Uvid u izvještaj i korigiranu radnu verziju doktorske disertacije)

(1) Po prijemu odluke o prihvatanju Izvještaja Komisije Univerziteta, organizaciona jedinica Univerziteta objavljuje na svojoj oglasnoj ploči i web stranici da se izvještaj Komisije Univerziteta i korigirana radna verzija doktorske disertacije stavljaju na uvid javnosti.“

- U članu 43. stav (2) koji glasi:

„Član 43.

(Dostavljanje izvještaja o ocjeni doktorske disertacije Senatu Univerziteta)

(2) U slučaju da vijeće organizacione jedinice prihvati radnu verziju doktorske disertacije, doktorant je dužan da u roku od 60 dana od prijema odluke vijeća organizacione jedinice pripremi finalnu verziju doktorske disertacije, dostavi je u potrebnom broju primjeraka i dostavi najmanje jedan rad objavljen u časopisima koje prate relevantne međunarodne baze iz registra relevantnih naučnih baza podataka, koji propisuje nadležno tijelo.“

mijenja se i glasi:

„(2) U slučaju da vijeće organizacione jedinice prihvati radnu verziju doktorske disertacije, doktorant je dužan da u roku od 60 dana od prijema odluke vijeća organizacione jedinice pripremi finalnu verziju doktorske disertacije, dostavi je u potrebnom broju primjeraka i dostavi najmanje jedan rad objavljen u priznatim publikacijama koje se nalaze u relevantnim naučnim bazama podataka.“

- U Članu 46. koji glasi:

„Član 46.

(Obavještenje o javnoj odbrani)

Organizaciona jedinica Univerziteta obavještava javnost najkasnije sedam dana prije termina zakazane odbrane o javnoj odbrani doktorske disertacije informacijom na oglasnoj ploči i web stranici organizacione jedinice, web-stranici Univerziteta i saopćenjem u medijima.

Obavještenje o javnoj odbrani sadrži:

- a) ime i prezime doktoranta,
- b) naslov doktorske disertacije i
- c) mjesto i vrijeme odbrane doktorske disertacije.“

riječi „i saopćenjem u medijima“ se brišu, tako da član 46. sada glasi:

*„Član 46.
(Obavještenje o javnoj odbrani)*

Organizaciona jedinica Univerziteta obavještava javnost najkasnije sedam dana prije termina zakazane odbrane o javnoj odbrani doktorske disertacije informacijom na oglasnoj ploči i web stranici organizacione jedinice i web stranici Univerziteta.

Obavještenje o javnoj odbrani sadrži:

- a) ime i prezime doktoranta,*
- b) naslov doktorske disertacije i*
- c) mjesto i vrijeme odbrane doktorske disertacije.“*

II

Ova odluka stupa na snagu danom donošenja i bit će objavljena na web stranici Univerziteta u Sarajevu.

REKTOR

Prof. dr. Rifat Škrijelj



Dostaviti:

- Organizacionim jedinicama UNSA
- za web stranicu UNSA
- U dokumentaciju Senata
- a/a